

Allannguutissatut siunnersuut uunga:

Uunga siunnersuut: Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat

Naalakkersuisunit aappassaaneerneqarnissaanut saqqummiussassaq

§ 1-imut

1. § 1, nr. 1-ip ataani §2, imm. 6 siunnersuutigineqartoq ima oqaasertalerneqassaaq:

” *Imm. 6.* Imm. 2-mi procentit annertussusaat taaneqartut ukiut aningaasanut inatsiseqarfiup tulliani aningaasaliissutinit agguagarsiap amerlassusiata assinganik qaffanneqassapput, ukiut aningaasanut inatsiseqarfiusut siuliini naatsorsuinerni aningaasat amerlassusaat nuunneqartut ilanngullugit naatsorsorneqarsimappata.”

2. § 1, nr. 1-ip ataani, § 2, imm. 7-imi oqaaseqatigiit aappaa ima oqaasertalerneqassaaq:

”Taamatut pisoqartillugu imm. 2-mi procentit annertussusaat taaneqartut ukiut aningaasanut inatsiseqarfiup tulliani aningaasaliissutinit agguagarsiap assinganik millineqassapput, naatsorsuinermi piffissap iluani aningaasat amerlassusaat kommuninit imaluunniit Namminersorlutik Oqartussanit suliassanut nuunneqartunut atatillugit tiguneqarsimappata”

3. § 1, nr. 2, ima oqaasertalerneqassaaq:

”2. § 4 ima oqaasertalerneqassaaq:

“ § 4. Naalakkersuisoq, Naalakkersuisut Siulittaasuata erseqqinnerusumik aalajangiineratigit piginnaatinneqartoq, ukiut tamaasa februaarip naannginnerani kommunit aamma Namminersorlutik Oqartussat ukiut aningaasanut inatsiseqarfiut sisamat siuliinut missingersuusiaasa inissisimanerannut naatsorsuutunik suliaqartassaaq. Naatsorsuutunik tamanut saqqummiussinissaq sioqqullugu Aningaasaqarnermut Siunnersuisoqatigiinnut oqaaseqaateqarfigineqartussanngorlugit saqqummiunneqartassapput.

Imm. 2. Naalakkersuisoq, Naalakkersuisut Siulittaasuata erseqqinnerusumik aalajangiinera malillugu tamatumunnga piginnaatinneqartoq, ukiut tamaasa apriilip naannginnerani ukiut aningaasanut inatsiseqarfiusut tulliit sisamanut kommunini aammalu Namminersorlutik Oqartussani aningaasanut § 2, imm. 2, nr. 2-mi taaneqartunut tunngavigineqartunik naatsorsuutunik suliaqartassaaq. Naatsorsuutunik saqqummiussinissaq sioqqullugu kommuninut oqaaseqaateqarfigineqartussanngorlugit saqqummiunneqartassapput.”

4. § 1, nr. 4-p ataani § 14, imm. 4 siunnersuutigineqartoq ima oqaasertalerneqassaaq:

” *Imm. 4.* Aningaasaqarnermut ukiut akornanni akiliutigineqartut nikingassutaat Sanaartugassanut iluarsagassanullu aningaasaateqarfimmi oqimaaqatigiissinneqartassapput.”

5. § 1, nr. 5-ip ataani § 20 a, imm. 3-mi oqaaseqatigiit aappaa ima oqaasertalerneqassaaq:
 “Ukiut aningaasanut inatsiseqarfiit akornanni akiliutigineqartut nikingassutaat sanaartugassanut iluarsagassanullu aningaasaateqarfimmit oqimaaqatigiissinneqassapput.”

6. § 1, nr. 9 ima oqaasertalerneqassaaq:

”**9. § 46 a, imm. 1** aamma 2, ima oqaasertalerneqassapput:

”**§ 46 a.** Naalackersuisut Pisortat ataatsimoorlutik qarasaasianik ingerlatsinerannut siulersuisut inassuteqareernerisigut, aamma kommunit tusarniarneqareernerisigut, aalajangersinnaavaat:

1) qarasaasiat sorliit pisortani ataatsimoorussatut isigineqassanersut, aamma

2) kommunit aamma Namminersorlutik Oqartussat pisortat ataatsimoorlutik qarasaasiat sorliit atussaneraat, tassungalu ilanngullugu pisussaaffik kommuninut tamanut aammalu Namminersorlutik Oqartussanut imaluunniit taakku ilaannaannut atuutissanersoq.

Imm. 2. Naalackersuisut kommunit Namminersorlutik Oqartussallu peqatigalugit pisortat qarasaasianik ataatsimoorlutik pisaarnissamut, ingerlatsineranut ineriartortitsinermullu aaqqissuussaaneermik pilersitsinissaat pillugu malittarisassanik aalajangiisinnaapput. Naalackersuisut matuma ataani, aaqqissuussaaneq qanoq aqunneqassanersoq, aalajangiinermi tunngaviit suut malillugit pisortani qarasaasiat ataatsimoorussatut isigineqassanersut, aaqqissuussaaneq aningaasartuutai kommunit Namminersorlutillu Oqartussat akornanni qanoq agguarneqassanersut, aaqqissuussaaneq kommunit aamma Namminersorlutik Oqartussat avataanni allanut sullissilluni suliaqarsinnaanersoq il. il. malittarisassanik aalajangiisinnaapput.””

Til § 2

7. § 2, imm. 3-mi oqaaseqatigiit siulleq ima oqaasertalerneqassaaq:

”2023-mut § 2, imm. 2, nr. 2-mi naatsorsuutit killiffii taaneqartut, Inatsisartut inatsisaanni § 1, nr. 1-imi matumani oqaasertaliorneqartutut ukiut aningaasanut inatsiseqarfiit sisamani tulliuuttuni kommuninut tamanut aamma Namminersorlutik Oqartussanut, kommunit ukiumoortumik missingersuutaat aamma Namminersorlutik Oqartussat 2021-mut Aningaasaqarnermut inatsisaat ilassutitullu aningaasaliissutit 1. januar 2022 sioqqullugu akuerineqarsimasut tunngavigalugit, ukiumoortumik missingersuutit imaluunniit aningaasanut inatsit akuerineqarsimasut 1,50 procentimik ilassuserlugu killigitat aalajangerneqassapput.”

8. § 2, imm. 4 oqaasertalerneqassaaq:

” *Imm. 4.* Naatsorsuutitut § 4, imm. 1-imi taaneqartunut taamaallaat ilaapput ukiut aningaasanut inatsiseqarfiusut Inatsisartut inatsisaata atuutilernerata kingorna naammassineqartut, 2023-milu februaarip naannginnerani siullermik suliarineqartut.”

Oqaaseqaatit nalinginnaasut

Allannguutissatut siunnersuummi siunertaavoq, inatsisissatut siunnersuummi oqaatsit atorneqartut, kommunit aamma Namminersorlutik Oqartussat missingersuutai aamma

naatsorsuutai pillugit Inatsisartut inatsisaanni oqaatsit atorneqartunut assingunissaat qularnaarneqassasoq.

Aalajangersakkat ataasiakkaanut oqaaseqaatit

Nr. 1-5-imut aamma 7-8-mut

Siunnersuummi oqaatsit ”ukioq aningaasanut inatsiseqarfik”, ”ukioq aningaasanut inatsiseqarfiusumi” aamma ”ukiut aningaasanut inatsiseqarfiusut” atorneqarput, taakku ullumi oqaatsinut inatsisini atorneqartunut naapertuutissammata.

Nr. 6-imut

Siunnersuummi inatsisissatut siunnersuut §1, nr. 9-p aallaqqaasiutaa allanngorneqarpoq.